


8 mars

Journée des femmes



Te mahana o te mau vahine

I roto i te tapura o te mau rautiraa te operehia e te Tomite lupiri na te mau Tomite rau i roto i te Etaretia, ua tuuhia ia te mahana 8 no mati na te Tomite a te mau vahine.

E no te mea e mahana te reira no te mau vahine o te ao nei, i manaò ai te Tomite Vahine a te Etaretia e fāfā i te tomite faanaho i taua oroà ra, ia nehenehe hoi i nā tomite ia ohipa āmui, no te tere maitairaa no taua mahana oroà no te mau vahine.

Ua tupu nehenehe maitai tei faaineinehia, ua ferurihia e ua horoāhia te mau haamaramaramaraa i niā iho i te tahi mau tumu parau faufaa roa o tei riro ei tautururaa i te hiōraa a te mau vahine no to na oraraa i roto i to na iho ūtuafare e i roto i te totaite.

Te fariiraa i te mau manihini hanahana, ua haapaōhia ia e te mau tuahine tatorita (UFC) areā te pure iritiraa i taua mahana ra, na Jeannie Pittman i rave mai i te reira, faatumuhia i niā iho i te parau no te tuhaa ohipa i faataahia na terā e terā taata (tane, vahine) noa' tu o vai o ia, faatere fenua anei, faatere Taatiraa anei, aore ia faatere Etaretia, paroita, amuiraa, faatere utuafare. Te mea faufaa ia ite taua tiā ra i te faufaa i titauihia ai oia, eiaha noa ei faatere, ei aratai atoā rā ma te here e ma te faatura i te mau taata i tuuhia i raro aē i ta na aratairaa. Tei hau roa atu rā, o te haēhaa ia, ia au i te hohoā o te raatira hanere, tei parau atu i te Fatu e : «E te Fatu, eita vau e e au ia tomo mai òe i roto i toū fare, a parau noa rā òe, e ora toū tavinī i reira.»

Na te pupu himene lupiri i haapaò mai i te tahi mau himene i roto i te taime omuaraa i raro aē ia i te faatereraa a lopa vahine. I te pae ahiahi e mau pupu ori na te tahi mau taatiraa i rauti mai, opanihia e te piti o te tuhaa faaineine atēhia e te mau tuahine no nā Tuhaa atoā o te Etaretia, oia hoi te faaiteteraa āhu mai te tau hou te Evaneria e tae roa mai i teie mahana e to ananahi. E mea tiā ia haamauruuruhia te taatoāraa o te mau tuahine tei haa mai i ta ratou tuhaa ohipa, no te manuia maitai raa, eiaha noa teie mahana o te mau vahine, te taatoāraa rā o te mau ohipa o te lupiri e te PCC.

Ua ōmuahia nā roto i te pure, ua na reira atoā ia no te faaotiraa : na te mau tuahine o na Etaretia Momoni e Tanito i rave mai i teie tuhaa na roto i te reo himene e te reo pure.

Jeannie Pittman



Une journée sous le signe du dialogue et de l'imagination avec le défilé de "200 ans de costume".

